

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. IV. An requiratur acceptatio populi?

[urn:nbn:de:hbz:466:1-74152](#)

Tract. VIII. Disp. XXXIV. Artic. III. §. IV.

312

quem si lex ipsa non exprimat, hoc ipso præsumit tacite illum requirere, qui prudentum iudicio pro sufficiente agnoscitur: atqui ad oblicationem inducandam ex natura rei non requiritur publicatio in omnibus provinciis subjectis, cum modus leges in Curia promulgatas divulgandi alii viis obtineri possit.

Ad 2. nego min. nam ut efficacia obligatoria quam lex per promulgationem formaliter obtinet, operetur suum effectum in subditis, per modum conditionis requirit noscitiam in majori parte communis, quæ non habetur statim post promulgationem præsentibus factam.

^{15.} Quæres octavò. Utrum Bullæ Pontificiæ, quibus aliqua sententia Auctorum tanquam scandalosa, & temeraria damnantur, & practicari prohibentur, obligent ante publicationem in dioecesiis factam, dummodo alias sufficienter innotescant?

Respond. affirmativè: Nam ejusmodi Bullæ Apostolice non tantum fuit præceptiva, sed etiam declaratoria veritatis, neque statuant aliquod jus novum, sed quid sit juris Divini, vel naturalis, exponunt, & roborant. Atqui fidèles tenentur se conformare Summi Pontificis definitivæ declarationi, independenter à facta speciali publicatione, quoiescunque aliquid è Cathedra definit arque declarat tanquam viva fidei & morum regula: siquidem [ut specialiter dicatur in Tract de fide] Sum. Pont. è cathedra loquens non potest errare, sive proponat credenda, sive agenda: cùm enim Ecclesia DEI æquè indiget morum sanctitate, quām fidei unitate, tam est absurdum, si caput Ecclesiæ approbaret turpia pro honestis, vel damnaret honesta pro turpibus, quām si approbaret falsa pro veris, vel damnaret vera pro falsis: sicut ergo facta Romæ foliemi canonizatione alicujus Sancti, teneor ipsa habere pro Sancto, quam primum mihi illa canonizatio sufficienter innotescit, etiam non facta promulgatione in partibus, sic teneor illam opinionem habere pro falsa, quam Sum. Pont. veluti falsam, scandalosam &c publicè ex cathedra declaravit, quantumvis nulla specialis promulgatio in partibus accesserit.

§. IV.

An requiratur acceptatio populi?

^{16.} Respondeo & dico primò. Nec lges Pontificiæ nec alterius Ecclesiasticae valor dependet ab acceptatione populi. Suarez I. 4. c. 16. cum communī. Et ratio primi est, quod Summus Pontif. plenarius potestatem legislativam acceptat immediate à Christo per illa verba: *Pascovis meas. Quodcumque ligaveris super terram &c.* Unde in exercitio hujus potestatis non ipse à populi consensu pendere, sed populus ad legem acceptandam ab ipso obligari potest. Ratio secundiest, quod neque Prælati Ecclesiastici à populo, sed immediatè à Summo Pont. vel Episcopis, &

mediatè à Christo potestatem leges ferendi accipierint: unde à populi acceptatione in illa non dependent.

Respondeo, & dico secundò. Neque legi civiles summorum Magistratum à populi acceptatione dependent: Nam primò: In eis potestate non est legem acceptare, vel rejicere, quod in foro externo, quām interno teneat legi obediens: sed populus tenet obediens legi justæ & rationabili: ergo. Secundò. Si obligatio legis penderet ab acceptatione subditorum, rursum potestas legislativa magis esset in populo & subditis, quām in Principe & legislatore: quia ille habet autoritatem legislativam, à quo dependet, ut lex obliget & executioni mandetur: sed hoc penderet à populo: ergo. Tertiò. Si populus transtulit in Principem absolutam potestatem gubernandi, & leges ferendi, tunc extitit se abdicavit omni illa potestate: ergo illa potestas non amplius dependet à placito populi. Quarto. Si Principi legem justam contenti populus justè posset resistere, utrinque daretur bellum iustum: sed hoc est absurdum: ergo.

Nec obstat primò textus Gratiani ex D. Augustino c. iijis §. leges. disf. 4. leges instituuntur, cùm promulgantur; firmantur, cùm moribus iusticiam comprobantur: sensus enim est, leges firmari per usum & acceptationem populi firmitas fidei, non juris, & secundum perfectionem accidentalem, quam lex ab exercitio & usu subditorum accipit, ne vigor ex ipsis non usu, vel contraria consuetudine enervetur.

Nec obstat secundò, quod multa leges etiam Ecclesiasticae dicantur non esse recepta: Nam sensus non est, quod arbitrio populi legitum obligatio fuerit excussa, carumq; valorabatur: sed quod, cùm continerent notabile gravamen, nōque de Legislatore prudenter præsumerent, quod grave onus populi voluerit imponere, illa leges in provinciis, aut dioecesiis non fuerint promulgatae, & sic cum tacita coiunctio & consensu Legislatoris earundem executione suspenſa, contra ipsa denique præscriptum fuerit.

Quo sensu etiam interpretandus est textus t. 6. de Clericis conjugatis, ubi Sum. Pont. pro sufficienti causa Græcos Sacerdotes excusante à votum continentia agnoscit, quod Orientalis Ecclesiæ votum continentie non admiserit.

Ubi tamen observandum, in pluribus regnisi conditione habendas regni Principibus à populo delatas fuisse, ut ipsorum leges & statuta nonnihil addito populi consensu obligantur, quo casu communis ad legis valorem populi consensus requiritur, prout in regno Aragonia & Lusitania prædicari testantur Palau, Granado, & alli. Rerum tamen advertunt Salmanticenses, tunc non esse dependentiam Principis à populo in acceptanda lege condita, sed in ipsa lege condenda, cùm quod populus in translatione sua potestatis mixturam à Monarchico, & Aristocratico, vel Democratico statu elegerit.

DISPU-